



IV GOVERNO CONSTITUCIONAL
SECRETARIA DE ESTADO DO CONSELHO DE MINISTROS

KOMUNIKADU IMPRENSA

Sorumutu estraordináriu Konsellu Ministrus nian iha loron 11 fulan Novembru tinan 2010

Konsellu Ministrus hala'o sorumutu iha Kinta-feira loron 11 fulan Novembru tinan 2010, iha sala reuniaun Konsellu Ministrus nian, iha Palasiu Governu, iha Díli no aprova tiha:

1. Proposta lei ne'ebé aprova Orsamentu Jerál Estadu Repúblika Demokrátika Timor-Leste ba tinan 2011

Proposta lei ba Orsamentu Jerál Estadu (OJE) nian ba tinan 2011 engloba reseita no despeza hotu Estadu Timor-Leste nian kobre períodu entre loron 1 fulan Janeiru tinan 2011 no loron 31 fulan Dezembru tinan 2010. Totál ne'ebé estimadu husi fonte hotu-hotu (mina rai no la'ós mina rai verba husi parseiru dezentovimentu sira no reseita la'ós fiskál sira), husi OJE ba períodu nee mak milliaun \$2,398 dolar norte-amerikanu. Dotasaun Orsamentál sira mak hanesan tuir mai ne'e:

- 1 – milliaun \$115.909 dolar norte-amerikanu ba Saláriu no Vensimentu;
- 2 – milliaun \$270.459 dolar norte-amerikanu ba Beins no Servisu, husi hirak ne'ebé milliaun \$25 dolar norte-amerikanu hanesan afeta ba Fundu Dezentovimentu Kapítal Umanu nian;
- 3 – milliaun \$164.456 dolar norte-amerikanu ba Transferénsia Públika;
- 4 – milliaun \$28.252 dolar norte-amerikanu ba Kapítal Menór;
- 5 – milliaun \$405.924 dolar norte-amerikanu ba Kapítal Dezentovimentu, hosi hirak milliaun \$317.306 dolar norte-amerikanu mak afekta ba Fundu Infra-Estrutura nian.

Totál dotasaun orsamentu mak hanesan milliaun \$985 dolar norte-amerikanu, husi hirak milliaun \$317.306 dolar norte-amerikanu mak afeta ba Fundu Infra-estrutura no milliaun \$25 dolar norte-amerikanu ba Dezentovimentu Kapítal Umanu nian.

OJE ba 2011 ida ne'e koerente ba polítika no reforma katak IV Governu Konstituisaun implementa tiha ona to'o dadaun ne'e, halao forma pozitivu ida hosi indikadór ekonómiku no sosiál iha tinan 2010, no

estabelese baze fundament'al ida ba continuidade no atrasaun investementu - esensial ba dezvoltimentu no kresimentu Timor-Leste ho forma ne'ebé mak aselera no susutentável.

Governu iha faze final elaborasaun Planu Estratéjiku Dezenvolvimentu Nasionál (2011-2030), ne'ebé mak transforma Timor-Leste (Nasaun ida ho rendimentu kiik) nasaun ida ho rendimentu mediu-aas ho espasu tinan 20, ho ida ne'e diversifika ekonomia, ne'ebé transforma ekonomia bazeada ida iha mina rai, ekonomia naun petrolifera ida, ne'ebé mak implica finansimentu elevadu ida, iha area infra-estrutura nian no kapital umanu – pilar fundamentu rua iha kriaun ba kondisaun bázika ne'ebé permiti atrai investimentu privadu no alkansa kresimentu no sustentabilidade ekonomia.

Atu to'o ba objetivu hirak ne'e ho dalan efikáz no eficiente, Governu iha planu atu kria fundu rua: Fundu Infra-estrutura nian no Fundu Dezenvolvimentu Kapital Umanu. Sei bele mós kria Ajénsia Dezenvolvimentu Nasionál (ADN), kompostu husi tékniku kualifikadu, atu kontrola qualidade hosi projetu sira no asegura katak espesifikasaun no kustu sira apropriadu duni.